



5TA SESSIONE STRASURDINARIA DI U 2026

30 È 31 DI LUGLIU DI U 2026

5ÈME SESSION EXTRAORDINAIRE DE 2026

30 ET 31 JUILLET 2026

N° 2026/E5/044

**Question orale déposée par Mme Marie-Claude BRANCA
au nom du groupe « Core in Fronte »**

OBJET : DUMANDA À BOCCA PÀ UN 14 DI LUDDU PAISANU IN CORSICA

Sgiò pridenti.

Ogni annu si fistighjighja in Corsica u 14 di luddu sicondu u rumanzu storicu francesu.

Stu 14 di lugliu di u 1789 veni d'un trattamentu stituziunali francesu.

Donni è omini di U Riacquistu è difinditori di a noscia storia è di a noscia cultura, ùn poni micca cuncipì chi a presa di a Bastille sguassi un antru evinimentu di a noscia storia.

Si tratta di un mumentu pricisu di u periodu d'indipendenza di a Corsica è di a missa in ballu di a so custituzioni ripublicana.

Tra a bandera francesa, simbulu d'occupazioni, è a bandera corsa simbulu di spannamentu naziunali è di libertà, a noscia scelta hè prestu fatta.

U 14 di luddu di u 1755, Pasquali Paoli hè pruclamatu Ginirali Capu di a Nazioni da a Cunsulta di Sant'Antonu di Casabianca.

Comu pà l'ottu di dicembri, Festa di a Nazioni Corsa, cunsacrata di manera stituziunali da a noscia cullettività è da tutta a Corsica, u 14 di luddu dumanda dinò chì stu mumentu sigghi rispittatu in u nosciu paesu .

À listessu tempu, parmittaria di custruiscia u nosciu calindariu in u spiritu di u riacquistu. St'opara avaria pussutu essa miss'in ballu dapoi a vittoria di a maghjuria patriottica, da u 2015 sin'à oghji.

Ancu si par avali ùn avemu u puteri lighjislativu da fà stu travaddu, chì ùn si pò mudificà né u codici ginirali di a funzioni publica né u codici di u travaddu, nudda ùn c'impidisci d'usà di u nosciu puteri regulamentariu, puliticu pà urganizà a vita di i nosci stituzioni.

Si pò metta in piazza nant'à a basa di u dialogu suciali è di u voluntariatu.

Com'è avemu fattu a scelta di a cuufficialità di fattu pà a lingua corsa, pudemu fà a scelta d'una ricunniscenza di fattu di a noscia mimoria naziunali. Nudda ùn ci impidisci di fà campà, da avali, i mumenti fundatori di a Nazioni corsa à traversu u nosciu calindariu.

U Riacquistu passa dinò pà i lochi, i figuri maiò di a Nazioni corsa è pà i dati chì ci hani fattu populu.

Allora vi dumandemu si a Cullettività di Corsica s'hà da accuntintà di u calindariu mimuriali impostu da u Statu francesu, o voli dinò custruì u so calindariu paisanu, fendu campà è tramandendu i mumenti maiò chì hani fundatu a Nazioni corsa, i so parsunaghji è a so cuscenza storica ?

Vi ringraziamu .